

Nuorttanaste

»Gæca dam Ibmel labba,
gutte mailme suddo guoddal!»

»Son dagai rafhe su ruosa
varai bokte.«

No. 12.

7id jakkegærdde.

»Nuorttanaste« maksa ovta kruvna jakkoda-
gäst, blaðde dinggujuvvu juokke poasta-
rappe lutte.

30ad Juni 1905.

»Nuorttanaste« olgusboatta guovte gærde
manost — dam 15ad ja dam 30ad bæive
juokke manost.

Vare alde rokkadusast.

Oanekaš sardne dollujuvvum papp
Hansteenast Kristianiast.

»Mutto de dapatuval gavce bæive
dam sarne mañnel, atte son valdi
Pietara. Johannes ja Jakoba miel-
des vare ala rokkadallat.« Luk. 9, 28.

Dast čuožžo, atte Jesus ja 3 su
mattajegjin manne bajas vare ala
rokkadallat.

Rokkadallama birra læk moad-
delagaš oaivvela. Ædnagak adnek
rokkadusa darbaš dingan. Apostal
Johannes birra muittaluvvu, atte go
son læi jabman læi nakke su čibbe-
skalčoi alde hui assai ja garas. Son
læi nuft davja čibid alde vællam rok-
kadusa siste.

Mi diettep maidai Lutherus bir-
ra, atte son rokkadalai saggarak. Son
læi juokke bæive manga dimo rokka-
dusa siste. Okti celki son: »Odne læ
must læmaš nuft ollo barggo, atte
mon ferttim rokkadallat 3 dimo.«

Son ani dalle nabbo rokkadusa
hui darbašlaš dingan.

Mon gačam: Gost læ dat ælle
kristalaš, gutte i miedet dasa, atte
rokkadus læ okta hægga-darbašvuotta
ællemi Ibmel siste? Gost rokkadus i
læk, dobbe i læk hægga Hærra siste.

Jos di ællebetet Ibmel siste, mu
vieljaidam, de læ dist buokain okta
bæivalaš čiegoskammar.

Mutto ænaš oasse olbmui ad-
nek rokkadusa avketæbmen. Ænaš
oasse likkek idedest bajas oadđemsaji-
næsek alma rokkadustaga ja bigjek
nokkat alma rokkadusataga. Si man-
nek maidai bæyddai manga gærde
bæivest alma rokkadusataga; ja ma-
naidæsek si oapatek dam sæmma
dakkat.

Mi oaidnep dast, atte moadde-
laganak læk jurddagak rokkadusa bir-
ra. Mutto jos don halidak rivtes ib-
mardusa oažžot rokkadusast, de alle
jœra olbmui dam birra, mutto gæca
Jesus ala, gæca su ællema rokkadu-
sast. Dast oažok don dam gačaldaga
vasteduvvum.

Muttomak læk cækkam, atte Je-
susa ællem rokkadusa siste læ okta
vuostalastem. Go son læi Ibmel, al-
ma læi rokkadus dalle darbašmættom
sudnji. Mutto mi diettep, atte Jesus
maidai læi duotta olmuš, ja nuftgo
duotta olmuš læi sust olmušlaš luond-
do, vaiko son læige alma suddotaga,
dovdai son dam mi suddo mielde
boatta. Son dovdai nælge bakčasa,
son fertti gillat bakčasa, son fertti
gillat davda ja mañasassi jabmema,
damditi dovdai son darbašvuotta rok-
kadusast særvvevuotta adnet su alma-
laš ačines. Son alelassi dovdai ječas
væke darbašægjen, ja buok son anoti
su ačestes. Son eli ovta rokkadusa
ællema.

Son ani su dabides ja vieroides.
Muttomin læi son okto bæive aige ja
muttomin ikko. Muttom aigid læi
son fast oktasaš rokkadusast matta-
jegjidesguim, nuftgo dast min tæks-
tast čuožžo.

Mi oaidnep maidai, atte legje
sierranas dilalašvuodak mak agje su
rokkadallat. Go son ouddamærka diti
aigoi valljit apostalid, læi son vuost
gæčos ija rokkadusast. Go stuora
gæčalusak legje sudnji lakkanæme,
de læi son rokkadusast, ouddamærka
diti mæcest ja Getsemanest, ja vimak
gullap mi su jabmen siste čuorvvo-
men: »Ačacām! Mon ravvim mu
vuoignam du gieđaidi.«

Mu guldalegjidam! Mon dovdam
darbašvuotta digjidi cækket, atte jos

mi galggap Jesusa laganak læt jab-
min ja bajasčuožželæme siste, de fert-
tep mi vuost šaddat su laganak dabe
ællem siste. Jos don jabmin siste
galgak duottavuodain mattet cækket:
»Ačacām! Mon ravvim mu vuoignam
du gieđaidi,« de ferttik don vuost
dam ællemest læt oappam su juolge-
luodai guorrat. Dam don satak dak-
dat, go don su læk oamastam aldse-
sad bæsten. — Dat læ dat, maid olb-
muk goččodek oskon. — Dalle oažžok
don su ollaset, maidai su vuoina.

Dak min ækkedes čoaggalmasak
dam girkost læk algatuvvum dam
jurddagest, atte dak galgašegje læt
moridusčoaggalmasak. Dal ješ dietta,
aigokgo šuddolažak ječasek addet bes-
tjujvut, diktet ječasek gessujujvut
Kristusi ja ællema oažžot su siste.

Mi oažžop maidai cækket: Dat,
maid mi dast dattop, læ: oažžot olb-
muid rokkadallat čera lakai go ouddal.

Don, gutte odne deiki bottik,
æigo læm dust bestujume jurddagak
vaimost, vai bottikgo don deike duš-
še ovta boddo vastitam diti čoaska ja
garra barggobæive mañnel. Igo læt
dust dat jurda: »Vare Ibmel mu sie-
lo bæstaši.« Ustebam, gæidno bestu-
jubmai manna rokkadusa čađa. Rok-
kadussoađe čađa gavnak don rokka-
dusa særvvevuotta Ibmelin.

Muittop mi, atte ædnag dingak
dam ællemest læk, maid mi ječa fert-
tep dakkat. I oktage matte mu ou-
dast borrat, i oktage vuoignadet mu
oudast, ige oktage oadđet mu oudast.
Dam ferttim mon ješ dakkat. Mutto
gula maidai: I oktage mate dovdas-
tet mu suddoi Ibmel oudast, ige okta-
ge matte oskot Hærra ala mu sajest.
Mon ješ ferttim dam dakkat.

Don ješ ferttet rokkadallat. Ærai
oudastrokkus læ galle buorre, mutto

dat i sattu bæstet. Rokkadus læ vaimo sogjam Ibmel vuostai — mutto du bestujubme læ aido du vaimo sogjam Ibmel guvllui. Damditi ferttek don ješ rokkadallat. Buok Jesusa mattajægjek læk læmas ja læk dalge rokkadusa olbmuk juokke okta.

Mangas jurdašek albmai bæssat, vaiko sist i læk goassege mikkege adnumušaid Ibmelest, æi si bivde armo æige si gitte mange dinga oudast, ja almake jurdašek si, go jabmen boatta, atte galggek audogasvutti mannat. Man hirbmadet daggar olbmuk bettek ješ-ječaidæsek. Čala oapata, nuftgo olmuš ælla, nuft jabma son.

Jos don nabbo dalle halidak rafhe oažžot? de oca Hærra rokkadusast! Son angeræbbo vuordda du go don su. Son vaimolažat halida oažžot cækket du birra, nuftgo son celki Paulus birra: »Gæča, son rokka-dalla.

Dal aigom mon cækket moadde sane loapadussi dudnji apasmattujubmen: Dam boddost čuožžo Jesus Ibmel truono oudast ja rokkadalla du oudast. »Mutto dast læ nokkamættom pappavuotta, dainago son bisso agalaš aiggai, manditi son maidai matta ollasi dakkat sin audogassan, guđek bottek Ibmel lusa su bokte, dađemielde go son ælla alelassi sin oudast ouddanloaidastet.« Ebr. 7, 24—25.

Ja dal væhaš digjidi, di oskolažat: Go mi giksašuvvat min ædnag varnotesvuodainæmek, go mi dovddat, man gaggadak mi læk rokkadussi, de muittop, atte Jesus čuožžo æe olgiš gieđa bæle, ja son min rokkadusa ouddandoaimata. Son min æse sardno ja aiggo migjidi addet navcaid soattat suddo ja bærgalaga vuostai. Son adda maidai ođđa angervuoda rokkadussi, æmbo osko ja æmbo rakisvuoda.

Muittebetetgo di Johannes čabba sane: (1 Joh. 2, 1) »Dam mon čalam digjidi, amadek di suddodet; ja jos guttege suddod, de mist læ bæloštægje æe lutte, Jesus Kristus dat vanhurskes.« Ja vidasæbbo: »Jos min vaibmo dubme, de læ Ibmel stuoreb go min vaibmo ja dovdda buok dingaid.« Mist læ bæloštægje æe lutte. Son dovdda buok dingaid. Jos mi ællep su siste, de læ mist hægga vaimost, mi viggata rokkadussi.



* * * * *

Gukken ja lakka.

* * * * *

Norga ja Ruotarika.

Nuftgo mi juo læp ouddal muittalam læ 7id juni okta muittobæivve Norgahistoriast. Dat læi okta stuora bæivve, mi i vajaldattujuvvu gansal. Dam bæive rajest læ Norga læmas fria rika alma gonagasa ja alma ovtastattujumetaga Ruotarikain. Ruoda-lažak æi jakkam, atte Norga ašid duostai ouddedet dam lakai, ja vel dam bæivege go dat dieditus bođi Ruti, atte dal læ Norga ječas erit sirrim, de æi orrom Ruotalažak jakkemen dam, daihe rievtabut, æi diettam galggego jakket vai æi. Mutto go si dam ožžu čielggaset diettet, atte gal dat nuft læ, de sutte hirbmadet »Stuora-Ruotalažat« ja buokak ovtamielalažat belkke garraset blađin. Aido moadde ruotalaš blađe legje Norga bæle. »Urtima rikabæivve« čoaggani dam mæreduvvum aiggai 20ad juni, ja gonagas diettalassi doalai rappamsarnes, man siste son celki dam savaldaga, atte ašek galggašegje rafhalašvuodast čielggat. Rađditus Ruodašt læ maidai dam semma arvvalusast. Rikabæivve dasto olgusnamati 24 olbma — 12 goabgabe kamma-rest, — mak dal læk smiettanen, maid Ruotarika galgga Norgast gaibbedet makson — oažžop mi dagjat — dam oudast go Norga ječas erit sirri ja dasto arvvaladdat færa maid aši birra, mak gullek darbašvuodain sirrijubmai. Dak 24 olbma æi læk vela gærggam, mutto mi jakkep, atte mi moadde bæive gæčest oažžop diettep væhaš.

Dat suttam Ruotalažak galle arvvaladdek, atte Ruotarika galgga gaibbedet stuora ænamgappalagaid Norgast, ouddamærka diti Finmarko ja Tromsa amta, ja dasto sittek vela, atte dača galgga vuolasnjæiddet rajaladnid, nuft arvvaladda »Stuora-Ruotalaš«, mutto su arvvalussi i sattu olmuš arvo bigjat. Muttom ruotalaš blađek maidai arvvaladdek, atte buoremus læ dam sirrijume æse hælbadet čakči, go ođđa olbmak rikabæivvai valljijuvvujek; dastgo »Stuora-Ruotalažak« orruk sittamen soatthalolaš

olbmaid rađditussi, ja muttomak læk juo barggam dam rađdetusa mi dal læ njæiddet, dastgo dat læ sin mielast ila rafhalaš.

Ja moare cakketa diti bargi ja dalolažai lutte læk »Stuora-Ruotalažak« viddedam giellasiđ. Si læk muittalam, atte Norga soattevækka læ boattamen Ruoda raje bagjel. Ja ædnag æmbo læk si gielestam, vai si daggo bokte matašegje væse buktet dam ruodalaš albmuğa gaskast Norga vuostai.

Gonagas i aigo suovvat, atte su bærrašest oktage namatuvvu Norga gonagassan. Mutto jos ruotalaš rikabæivve dam sittagoatta, de son dam æse ođđasist bigja smiettama vuollai.

Olgocednamblađek, erinoamašet engelas ja Tuiska blađek læk ain Norga bæle, ja savvek nuorrasek, atte soatte i šaddaši Norga ja Ruoda gaskast; dastgo jos nuft dappatuvva, de læ ballamest, atte æra famokge dasa sorrujek. I læk galle min ædnamest davalazažat dat jakko, atte Ruotalaš sođin boatta min ala. Mutto almaken mi æp sattu riehta sikkarak læt.

Gæča maid okta ruotalaš soattehærra (oberst) čalla muttom ruoda avisai.

Okta soattehærra Ruodarikast, gæn namma læ Bratt, læ čallam čuovvovaš guoratallamuša Norga ja Ruoda soatterakkanusai birra.

Vuost cælkka son:

»Mutto Ruotarika i dato soađe, almaken orruk buokak læme dam arvvalusast ja jurdagest, atte jos Norga i miedet daida gaibbadusaidi, maid Ruotarika ouddanbukta, de fertte fabmo adnujuvut; mutto jos Ruodarika i matte čađa oažžot dam bahai mavsatallama, de fertte olmuš guorraset dasa, atte buok fabmo-adnem læ jiermesesvuotta ja varalaš. Muttomak galle jakke, atte Norga su uccevuodas diti, ja go inakkaš buok Europa famok oktasazažat baggo bigje Norga ala ja aitema, de Norga dalle i duosta ærago manņai addet. Mutto de læ dappatuvvam navt, atte stuorafamoi jurddagak ja buoreb dovdok læk mannam Norga vuostai, ja de læk min olbmuk alggam soatteværojoi ala jurdašet.

Muttomak ouddanbuktet dam arvvalusa, atte mi æp darbaš soattevægamek saddet Norgi. Mi oažžop

dušše raje ala mannat ja saddet flaatamek blokeret Norga hamanid. Go mi dam dakkat, de nælgo Norga moadde manost.*

Dat ruotalaš soatthærra vuolasčalla dasto čuovvovaš talaid čajetam diti, moft su mielas dat arvvalus orro:

Ruotarika matta mobiliseret (oktičoaagget) 78,550 olbma 240 kanovnain. Norga matta min aige mobiliseret 70,018 olbma 174 kanovnain ja 12 luoddačolloiguim.

Ruodalaš flaatast gavdnujek:

- 11 vuostas klasa pandserskipa.
- 10 nubbe ja 3ad klasa —,—
- 5 torpedokrydsera.
- 7 kanondampa.
- 30 torpedodampa.
- 1 torpedojagar.
- 1 čaccevuolusdampa.

okti 65.

Norga flaatast læk:

- 4 vuostas klasa pandserskipa.
- 4 monitora.
- 11 vuostas ja nubbe klasa kanondampa.
- 30 torpedodampa.
- 1 torpedojagar.
- 1 minadampa, ja dasto muttom uceeb dampak.

okti 51.

Go mi dai talai gæčadep — čalla dat ruođa oberst — de arvveda juokkekaš, gæst vahašge soattedietto læ, atte dat namatuvvum blokerim ja rajafaktim læ vægjemættom. Darolaš soattevækka læ mæsta lika stuores ja gukkep harjetuvvum go ruodalaš soattevækka, ja dam ruodalaš flaata æneb vuotta i læk stuoreb, atte darolažak daggoge bittek, jos si garrasa bigjet garrasa vuostai. Ja jos mi soattevæggamek hagjet Norga gukkes raja mielde ja flaatamek dam gukkes gadde (kysta) mielde, de addep mi dačai di buoremus dilalašvuoda vuoto oažžot.

Dam lakai guoratalla okta Ruodarika soatthærra dai ašid; mutto diettalassi læk muttom æra soatthærrak Ruodast čallam su vuostai ja gæččalek duottan čajetet, atte i læk nuft vaddes Norga bagjel vuottet. Dast mi dal mañnel šaddap oaidnet, boatta go Ruodalaš min ala sođin. Mutto vissis læ, atte duodalaš aigi siste ællep mi dal.

Østerika ja Ungarn.

Dušše dak guokta rika, Østerika ja Ungarn læba vela obba Europast okti ovtastattujuvvum; mutto maidai dam guovto gaskast gullu dal soapamættomvuotta. Aššen dasa læ dat sæmma go Norga ja Ruođa gaskast læ læmaš. Østerika ja Ungara kæisar namma læ Frantz Josef ja son æssa Østerikast. Go dasto Ungaralažak ašedæsek sittek ouddedet, de sin kæisar ferite dakkat Østerikalažai dato mielde, aido nuftgo gaskavuotta læi min ja Ruođa gaskast. Dam lakai dat šadda go uceeb ja stuoreb ænam okti ovtastattujuvvuba. Dat stuoreb ænam datto radđet goabbašagai bagjel, dat sitta njiellat dam uceeba ja čajetet æra rikaidi, atte dat uceeb ænam læ dušše okta oasse dam stuorebest. Ungarast læ namatuvvum gieskad ok ministerium, mi goččujuvvu Fajervary-ministerium, dat galgga læt riddoministerium, mi galgai loaidastet buore ibmardussi kæisar Frantz Josef ja Østerikalažaiiguim ja vuostai barggat albmuğa gaibbadusaid su ječæs ædnamest. Minister bodi deputerkammar bajaslokkat kæisara giettačallaga, mast mæreduvvui, atte kammar daihe stuoradigge sidi saddijuvvut 15ad september ragjai. Deputerkammar bijai dam ministerium erit virgest ja goččoi dallanaga erit vuolget. Muttomak čurvo: »Ellus Norga.* Sæmma lakai manai maidai nubbe kammarest, go čala dobbe galgai lokkujuvvut.

Minister Fajervary massi roakkadvuoda ja manai kæisara lusa ravkat æro; mutto Frantz Josef biettali.

Orro čajetæme nuft, atte maidai Ungaralažak aigguk ječæsek erit sirrit Østerikast, mutto okti ovtastattujubme læ dobbe nannosæbbo go Ruođa ja Norga gaskast. Ungaralažain i læk aldesin soattevæka. Sin soattevæka læ sægotuvvum Østerikalažai særvvai.

Dal aigguk Ungaralažak baggit radđetusa erit mannat daggo bokte atte si biettalek birra rika væro maksemest stati. Rikabæivve læ maidai biettalam maksemest Ungara oase oktasas goloin, mak dam guokta rika ala bottek.

Doala ja mavse „Nuorttanaste!“

Buorre jakke ænam-šaddo bælest mietta min rika.

Blædek muittalek, atte

Tromsast

telegraferijuvvu, atte gukkes goikkadagai mañnel læ dal burist arvvam. ænamolmai adna nana doaivo buore šaddo jage oažžot.

Troandemest

muittaluvvu, atte maidai dobbe goikkadagai mañnel læ dat arvve bocciattam burist ædnamid, nuft atte doivvuk buore jage šaddat Troandemvuona mietta.

Birgenest

læ lagjo smavaset alggam. Šaddo dobbe læ hui buorre læmaš sikke suoine ja bældoi bælest. Birgen lakasin čajeta kruvna jakken. Dat sæmma muittaluvvu maidai Stavangerest, Arendalast ja Hamarest.

Na de fast Spitsbergi dalve bagjel orrot.

Mannam vakkost vulgi okta stuora lagan skoita dabe Vesteraalast Spitsbergi. Hævsmannen læi Hans Furfjord. Olbmak: Andreas Hansen Skjold, Haakon Hansen Sørmele, Daniel Nilsen Nøis ja Martin Pettersen Nøis, buokak Bjørnskind gielda assek. Sin jurda læ bagjel dalve orrot Spitsbergast ja bissoin dobbe bivddet. Hans Furfjord, gutte læ dam ekspeditiona doalvo, læ guovte gerde ouddal orrom bagjel dalve Spitsbergast. Son læ dam lakai burist dovdost sikke gaskavuodaiguim, ja moft dobbe galgga bivddujuvvut, ja maidai dietta son, mi daggar matkai darbašuvvu. Son ja Daniel Nilsen læva ovtast oastam dam skoita, maina vulgge. Dat suvda 280 farpal ja læ Ranast rakaduvvum. Dat maksa 4,200 kr. Ja borramuš ja æra darbašvuodak makse 2,500.

Stuoradigge

šadda dam jage gukka ovtast čokkat. I læk dietto goas bessek ærranet. I alma nuft gukka go ašek Ruotarikain æi læk čielggam. Dam jage æi oažžo gæssefriavuodage (ferie).

Norga gonagaskruvdno

i šadda fallujuvvut oktige ouddalgo Norga læ boares gonagasast vastadusa ožžom.

Min rika duollosisaboatto

læi juni manost 124,000 kr. æmbo go sæmma manost mannam jage.



Hirbmos dille Ruošarikast.

Stuibme ja moivve.

Dille læ hirbmos manga sajest Ruošarikast. Vuost namatep mi ovtá gavpuga Polenest, man namma læ Lodz. Dobbe læi stuora moivve gieskad. Vakko dast ouddal čoaggani stuora almug — 70,000 olbmú — okti. Sist legje 24 ruksis plævgak. Si legje alggam spægjat buok man njæiga botte. Soaldatak ferttiegje gæččælet hettit, mutto i orrom ollo væketæme. 18 olbma goddujuvvjegje ja 100 sarjaduvvjugje dallanaga. Nubbe bæive algi stuibme vel bahab. Bænta soatte šaddai dalle. Olbmuk bæčče glasaraige olgos, go æra lakai æi bæssam særvvai. Dam bæive jabme ja sarjaduvvjugje 2000 olbmú. Bæččim bisti gæčos ija. Soaldatak bæčče juokke ovta, gæi gatai alde gavdne. Ollo sarjaduvvumak ja jabmek vœllajegje gata alde gæčos goalmad bæive.

Odessast læ vela bahab dille læmaš. Stuibme dobbe læ bistam manga bæive. Duhati mielde galggek læk sorbmijuvvum, ja obmudak duššaduvvum ædnag millionai kruvnaí oudast.

Okta šlagaskipa, »Fyrst Potemkin,« bođi Sebastobolest dokko. Skipaolbmak (mandskappe) legje sorbmin dai aleinus officeraí ja mannam moivvejegji særvvai. Manga æra soatteskipa botte valddem diti »Potemkin,« mutto dak macce ruoktot alma ovtage skuota bæčetağa. — Muitt luvvu, atte mandskappe dai æra soatteskipai alde čurvvu hurra »Potemkin« oudast, go si ærranegje. Ja »Potemkin« læ ain stuibmedægji giedast.

Fuobma dam!

Gutte dal dinggo »Nuorttanaste« ja maksa ođđajage ragjai — 50 øra — oazžo olles dam jakkegærde, nuft gukka go lige nummarak bistek.

„Nuorttanaste“ algga dam rajest visudet muittalet sikke min ædnam ja olgoædnam politikalaš likatusai birra. »Nuorttanaste« muittala maidai æra dapusai birra nietta mailme.

Di doallek, guđek vela epet læt maksam »Nuorttanaste« dam jakkegærde oudast, doaimateket dal dam kruvna poastarappe giti, dat manna

portofria.

Dinggo „Nuorttanaste!“
Videt „Nuorttanaste!“

Gulatus

Guovddagæiuo skuvllastivrest Guovddagæino olbmuidi.

Guovddagæino skuvllastivrest læ čoaggalmasast 26ad bæive juni manost d. j. ovtamielalažat mæredam, atte skuvllamanak,*) guđek æi boaðe rivtes aiggai — daihe æra lagin mœnnodek nuft, atte dak æi oro 12 vakko skuvlast jagest, galggek dollujuvvut ruoktot, go sin skuvlla nokka, ja mannat æra manai gaskast nuft gukkes aige, go si læk agjanam.

Dat mæredai maidai, atte vanhemak ja moraštægjek, gæi manak æi muttom siva diti mate dakkaviđe boattet go skuvlla algga, daihe æi mate obbanassige boattet, — galggek addet skuvllastivrrai dieđitusa dam harrai ja siva diti.

Brage Høyem.

A. B. Pleym. L. P. Saltvik. H. Penta
Johan Hætta. Johannes Hætta.

In fidem

B. Høyem.

*) Skuvllamanna læ juokke manna, gutte læ dævddam 8ad jage, dassačigo dat læ dævddam 15ad jage.

Stuora buollem

læ gieskad læmaš Drammen gavpugest. Dobbe dagai dolla vahaga lakka 2 million kruvna oudast. Kristianist læk maidai muttom gardemak buollam.

Soatte.

Japan ja Ruoša læba dal rafhe birra arvvaladdamen. Njællja olbma — guokta Japanalaža ja guokta ruošalaža — læk olgusnamatuvvum dutkat soavatusa. Dai olbmai namak læk: Ruoša bælest Grev Rosen ja grev Muraviev. Japan bælest baron Komura ja Kogoro Takahira. Sakalinsullo læk juo Japanesalažak valddam haldosæsek. Jakkemest læ, atte dal vimak šadda rafhe Ruoša ja Japan gaskast. Ige lækge gal ila arad.

Kæisar Wilhelm

læ dal sagastallamen gonagas Oskarin. Jogoson dat i læt arvvalus Norga birra væhaš. Gi dietta?

Bakka

Lulle- ja Gaskaeuropast

læ læmaš dam gæse hirbmos, dam gæčel læk bajandalkek baigotagai stuora vahaga ja ædnag likkotesvuodaid dakkam.

Buok guovluin Tuiskaædnemest muittaluvvu, atte bakka læ hirbmos. Manga olbmú læk sorbmijuvvum bæivveboaldatagast. Arvve læ manga saje bilidam ædnamid ja bældoid erinoamašet. Ruovdemađde læi muttom sajid nuft čæcest, atte vavnok bagjel ravgge. Ædnag vistek læk duššaduvvum, ja bældok ja gieddek læk goareduvvum.

Berlinast, Tuiskaædnam oaivvegavpugest, æi læk ucceb go 45 olbmú bæivveboaldatakki dæivatallam daina maņemus beivin, ja 120 hœsta læk jabman baka gæčel. Ja scemma muittaluvvu manga æra baiken Tuiskaædnemest.

Luossabivddo

madden læ daina maņeb vakkoin buorre. Troandem birrasin læ okti-buok olgussaddijuvvum 59,000 kgr.

Ædnamdoargastus

læ merkkijuvvum min ædnam mada-gæččen obba garraset.

Ruošša aiggo oastet soatteskipaid,

Londonest telegraferijuvvu, atte Ruošša læ Engelandast oastalæme soatteskipaid. 2 torpedojagara læk juo bargo vuolde.

Darolaš brævaduvvaid

i luoite Ruotalaš boattet Ruođariki. Okta dača gieldatalai ruotalaš eisevaldin buktemest brævaduvvaid Ruti.

Ruošaædnemest

daida dal šaddat moivve birra buok. Maņemus telegramak muittalek, atte maidai soaldatak læk vuittujuvvum stuibmedægji bællai. Dille dobbe i buorran, ouddalgo æra stivrra šadda.

Prins Gustav Adolf

vihatuvvui ja doalai hæjai Windser gavpugest Engelandast dam 15ad juni.

»Nuorttanaste« čalle, prentejægje ja olgusadde læ G. F. Lund, Sigerfjord, Vesteraalen.

